

時洗手洗鉢。恆常來此。其後壽盡。生於天上。乘天宮殿。來詣佛所。佛為說法。得須陀洹。比丘白言。以何因緣。得生於天。佛言。昔在人中。造新屋舍。請佛布施。由是善業。上生天宮。遂於我邊。聞法得道。

### 六五、婦以甘蔗施羅漢生天緣

昔舍衛國。有羅漢比丘。入城乞食。次到壓甘蔗家。其家兒婦。以一羶大甘蔗。著比丘鉢中。姑見瞋之。便捉杖打。遇著腰脈。即時命終。得生忉利天。而作女身。所處宮殿。純是甘蔗。諸天之眾。集善法堂。時彼天女。亦集此堂。帝釋以偈而問言。

汝昔作何業 而得妙色身 光明色無比 猶如鎔金聚

天女以偈答言

我昔在人中 以少甘蔗施 今得大果報 於諸天眾中

光明甚暉赫